

NGĀ TŪMANAKO O NGĀ MĀTUA

Pātai 1: He aha ō tūmanako mō āu tamariki i roto i te kura nei?	
Te Mairiki Williams (Mātua, Te KKM o Whānau Tahī)	Ko te tūmanako ko te whakaoho ake i to tātou nei reo rangatira. Koirā hoki te oranga o ngāi tātou. Mai i te tīmatanga kei roto i ngā momo kōrero, momo taonga, i ngā kōrero o neherā, koirā te tohu e pā ana ki te oranga o ngāi tātou, ā, ko te whakapapa tērā. Mai i te whakapapa, ka puta mai rā ka puawai mai, ka pūawai i ngā kōrero e pā ana ki te kura nei, ērā tūmomo kura ā-motu. Ko te tūmanako ka whakaoho tonu i tō tātou nei reo rangatira mō ake tonu. Koirā te tūmanako kua tutuki pai i ngā moemoeā, ngā wāwata a ngā mātua tūpuna.
Rau Timoti (Mātua, Te KKM o Whānau Tahī)	Ko āku, mēnā ka eke ki te taumata o te reo, ki te kēho, me kī, o te taumata. Ki te whai i ngā tikanga, ngā kawa o kui mā, koro mā. Ina ka tae atu ki te wharekura, me kī, te mutunga o te wharekura ka puta i te kura nei me te mōhioanga me te hiahia o ... he aha ā rātou hiahia, ā rātou huarahi mā ratou i taua wā.
Tracey Wairau (Mātua, Te KKM o Whānau Tahī)	Ko ōku tūmanako mō taku tamāhine i roto i te kura nei kia ako pai i te reo Māori, i tō tātou reo rangatira me ōna tikanga – me ngā āhuatanga Māori kia whai angitu, kia whai mātauranga Māori. Kia taea e ia te tū kaha i roto i te kura nei, i waho i te kura, ahakoa haere ia ki hea. Koirā oku tūmanako mōna.
Pātai 2: Kei te tutuki pai ō tūmanako mō āu tamariki?	
Te Mairiki Williams (Mātua, Te KKM o Whānau Tahī)	Kei te tutuki pai i roto i ngā āhuatanga katoa, mai i te mahi i roto i ngā whare ākongā me ngā wā whakatā. I kōrerotia tātou me ngā mokopuna i roto i tō tātou nei reo rangatira. I roto i ngā hīkoi, ērā tūmomo kaupapa o te rohe nei, kia kaha tonu ngā āhuatanga e pā ana ki te oranga o tō tātou nei reo. Ahakoa te wā, ahakoa te kaupapa – rite tonu.
Rau Timoti (Mātua, Te KKM o Whānau Tahī)	Kei te wharekura e noho ana taku tamāhine i tēnei wā. Kei te tipu haere tōna reo. Kei te whitiwhiti whakaaro tonu ia, ka aha ia i tōna mutunga o tana noho i reira. Engari, ka kite te pakari, tōna hiahia ki te ako, te harikoa, nō reira ki tōku whakaaro, āe.
Tracey Wairau (Mātua, Te KKM o Whānau Tahī)	Kua tutuki pai i a ia i ōku hiahia katoa mōna. Ka kite au i a ia me tana harikoa ki te ako, kua hihiko tōna hinengaro, kua muramura ōna whatu, ka uiui tōna ngākau. He kōtiro tino kaha ia ki te ako, ki te whai mātauranga, kia whakawhanaunga atu ki ōna hoa me ngā kaiako me te whānau. Koirā te āhuatanga pai ki a au ...
Pātai 3: He aha ētahi āhuatanga hei tohu ki a koe, kei te tutuki pai ngā tūmanako?	
Te Mairiki	Te harikoa, te menemene mai, ā, me ngā tikanga katoa o te kura nei. Mai i te tīmatanga ia rā ko ngā whakamoemiti te tuatahi. Mēnā ka tuku atu te

<p>Williams</p> <p>(Mātua, Te KKM o Whānau Tahī)</p>	<p>rākau ki ia wāhanga, mai i ngā tēina ki ngā tuākana me whakaarahi te karakia o te ata. Ka rere atu rā te āwhiowhio o te aroha – ngā kaiako, pouako katoa me ngā mātua ki ngā tamariki katoa. Ahakoa ko wai, ahakoa nō hea, ā, kua whakapakari. Kua whakapakari te ngākau aroha o te kura nei i ā tātou nei tamariki mokopuna. Ahakoa ngā piki me ngā heke, ā, ko te mea nui e pā ana ki ngā hua katoa o te kura, ki a tātou nei tamariki mokopuna, tū kaha, tū tika ki ā tātou nei tamariki, mokopuna i ngā wāhanga katoa, i ngā wāhanga katoa.</p>
<p>Pātai 3: Me pēhea te kura e whakamōhio atu ai ki ngā mātua i te āhua o te piki haere o te tamaiti?</p>	
<p>Rau Timoti</p> <p>(Mātua, Te KKM o Whānau Tahī)</p>	<p>Ko te nuinga o te wā ka kōrero kanohi ki te kanohi i ia rā, ia wā ka kite mātou i ngā kaiako. He pai tērā ki ahau, he pai ake ki ngā kōrero ki runga i te pepa. Pai ake te haere mai ki te kura, ka haere mai ngā kaiako hei whakamārama atu i ngā painga, ā, ngā piki me ngā heke, te mahi ka āhei au ki te āwhina ki te kāinga me ērā momo.</p>